

RREGULLORE

**MBI PUNËN E KOMISIONIT PËR MIRËNJOHJE,
SHPËRBLIME DHE DEKORATA DHE KRITERET PËR
ZGJEDHJENË E SPORTISTËVE MË TË MIRË TË VITIT**

**Prishtinë,
Dhjetor 2011**

Në bazë të nenit 6 pika5 e Statutit të FHK-së, Bordi i FHK-së në mbledhjen e vetë të mbajtur më 23.12.2011, miratoj këtë:

RREGULLORE

MBI PUNËN E KOMISIONIT PËR MIRËNJOHJE, SHPËRBLIME DHE DEKORATA DHE KRITERET PËR ZGJEDHJENË E SPORTISTËVE MË TË MIRË TË VITIT

Neni 1

Duke pasur parasysh angazhimin, punën, sukseset si dhe prezantimin e sportit Kosovar në vend dhe jashtë vendit, Federata e Hendbollit e Kosovës parasheh këto mirënjohje dhe dekorata, për sportistët ekipet, shoqatat, punëtorët sportiv, gazetarët sportiv dhe individ tjerë si vijon:

- Mirënjohje
- Falënderime
- Diploma për ekipe
- Diploma për individ
- Plaket (e artë, argjendtë dhe e bronzit)
- Medalje (e artë, argjendtë dhe e bronzit)
- Shenja të FHK-së (e artë, argjendtë dhe e bronzit)
- Flamuj përkujtimor
- Kupa
- Dhurata dhe rekuizita sportive
- Dhurata speciale për masivizim, cilësi dhe fer- plej
- Dhuratë speciale, përcjellja e ndonjë manifestimi apo ngjarje me rëndësi sportive në Kosovë apo jashtë sajë
- Dhuratë me të holla të gatshme

Neni 2

Ndarja e mirënjohjeve, dekoratave dhe shpërblimeve bëhet në bazë të rezultateve të arritura në garat ndërkombëtare dhe deri tek rangu më i ulët i garave në garat vendore (lojërat olimpike, kampionatet botërore, evropiane, mediterane, ballkanike, kombëtare, komunale dhe shkollore).

Neni 3

Vlerësimi i rezultateve të arritura të ekipeve, individëve dhe të tjerëve bëhet sipas kriterëve të përcaktuara në tabelën e cila është pjesë përbërëse e kësaj Rregulloreje apo në bazë të nominimeve nga të anketuarit (trajnerëve, klubeve etj.) sipas vendimit të Komisionit për mirënjohje dhe dekorata.

Kriteret dhe elementet për disa kategori janë të përshkruara dhe janë bashkangjitur tabelës dhe kësaj Rregullore.

Neni 4

Kriteret dhe elementet për disa kategori të tjera, si zgjedhja e punëtorit më të mire sportive, gjyqtarit më të mire, gazetarit më produktiv etj. janë të përcaktuar në tekstin i cili i bashkëngjitet tabelës.

Për këto kategori vlejnjë këto kategori vlejnjë këto elemente:

- masivizimit, cilësia, organizimi, numri i ekipeve, numri i garave të organizuara, pjesëmarrja në gara në vend dhe jashtë sajë, rezultatet etj.
- tek individët, si gjyqtari, punëtori sportive etj për bazë merren realizimi sistematik i detyrave të parashtruara , nga numri i aktiviteteve të realizuara, dhe duke ju falënderuar punës së tyre në organizimin cilësor të detyrave të tyre, dhe një bashkëpunimi korrekt mes lojtarëve dhe bashkëpunëtorëve, kanë ndikuar në përparimin dhe avancimin e sportit të Kosovës, si në rrafshin e brendshëm ashtu edhe atë ndërkombëtar.

Neni 5

Për garat e rangut komunal dhe atij rajonal, FHK-ja mund të ndajë:

- medalje
- diploma
- dhe dhurata modeste ekipeve dhe individëve për plasman në vendet: I, II, III.

Neni 6

Për garat dhe e organizuara në nivel kombëtare (shtetërore) dhe aktivitete tjera të këtij rangu, FHK-ja mund të ndajë:

- plaket të arta
- plaket të argjendtë
- plaket të bronzit
- kupa ekipit për plasman në vendin I
- diploma ekipeve për plasman për vendin I, II, III
- medalje ekipeve për plasman për vendin e I, II, III,

Neni 7

Për asociacionet e veta si Shoqatat e gjyqtarëve dhe trajnerëve, klubet, Shkollat e Hendbollit etj FHK-ja ndanë:

- mirënjohje
- shpërblime të posaçme

Neni 8

Në raste specifike Komisioni për mirënjohje mund t'u ndajë shpërblime të gjithë pjesëmarrësve, në ndonjë manifestim me karakter kombëtar (shtetëror) festiv, me ndarje të:

- diplomave
- shenjave të FHK-së
- suvenirëve të ndryshme si kujtim për ato ngjarje

Neni 9

Federata e Hendbollit e Kosovës i propozon Shoqatës së trajnerëve dhe asaj të gjyqtarëve, klubeve, Shkollave të hendbollit etj. që sipas mundësisë të ndajnë mirënjohje ose shpërblime në fushën e veprimtarisë dhe aktivitetit të tyre.

Neni 10

Më qëllim të stimulimit të organizatorit të garave, punës që e bëjnë, duke pasur parasysh rangun e garave apo të turneve, dhe aktivitetit të tyre të cilët pa rezervë angazhohen në realizimin për përparim dhe avancim të hendbollit, Komisioni për mirënjohje, shpërblime dhe dekorata mund të ju ndajë:

- diploma
- plaket speciale
- shpërblime tjera

Neni 11

Komisioni për mirënjohje, shpërblime dhe dekorata, në fund të çdo viti, për shpalljen e më të mirëve kërkon nga asociacionet e saja propozimet e më të mirëve, dhe në bazë të kriterëve të përcaktuar me këtë Rregullore, bënë propozimin e listës dhe të njëjtën ja paraqet Bordit të FHK-së në miratim.

Neni 12

Bordi i FHK-së bënë shpalljen e më të mirëve të vitit si:

a)

- sportistin (hendbollistin) e vitit (meshkujt),
- sportistën (hendbollistën) e vitit (femrat)

b)

- 7 hendbollistët e vitit në konkurrencën e meshkujve sipas pozitive që luajnë në skuadër duke filluar nga portieri, alo e majtë, fundori i majtë, lojtari i qendrës, lojtari i vijës, fundori i djathtë dhe alo e djathtë.
- 7 hendbollistët e vitit në konkurrencën e femrave sipas pozitive që luajnë në skuadër duke filluar nga portieri, alo e majtë, fundorja e majtë, lojtarja e qendrës, lojtarja e vijës, fundorja e djathtë dhe alo e djathtë.

c)

- Hendbollistin më efikas në vitin kalendarik në konkurrencën e Superligës së meshkujve
- Hendbollistën më efikase në vitin kalendarik në konkurrencën e Superligës së femrave

d)

- Hendbollisti më i dalluar në fazën e mbrojtjes
- Hendbollistën më të dalluar në fazën e mbrojtjes

e)

- 5 hendbollistët më të mirë në konkurrencën e juniorëve
- 5 hendbollistët më të mira në konkurrencën e kadetëve
- 5 hendbollistët më të mira në konkurrencën e kadeteve

Neni 13

Bordi i FHK-së bënë shpalljen e më të mirëve të vitit si:

- trajneri më i suksesshëm sipas propozimit të SHTHK-së
- qifti i gjyqtarëve më të suksesshëm sipas propozimit të SHGJHK-së

Neni 14

Bordi i FHK-së bënë shpalljen e më të mirëve të vitit si:

- klubi më i mirë në konkurrencën e meshkujve
- klubi më i mirë në konkurrencën e femrave
- klubi më i mirë në konkurrencën e juniorëve
- klubi më i mirë në konkurrencën e kadetëve dhe kadeteve
- klubi më i mirë në konkurrencën e pionierëve dhe pioniereve

Neni 15

Bordi i FHK-së bënë shpalljen e më të mirëve të vitit si:

- gazetari apo mediumi më i frytshëm gjatë vitit
- punëtori më i dalluar sportiv

Neni 16

FHK-ja mund ti ndaj mirënjohje dhe falënderime edhe asocioneve jo sportive, të cilat kanë kontribuar dhe kontribuojnë në zhvillimin e sportit dhe organizimin e garave të hendbollit, në nivel kombëtar apo ndërkombëtar.

Neni 17

Kriteret e përcaktuar në këtë Rregullore, janë obliguese për të gjitha asociacionet e FHK-së.

KRITERET PËR VLERËSIMIN E REZULTATEVE NË LËMINË E HENDBOLLIT PËR SHPALLJEN E MË TË MIRËVE

Neni 18

Për listën e më të mirëve mund të nominohen:

1. Sportist (hendbollist) nga klubet të cilat janë anëtare të Federatës së Hendbollit të Kosovës, dhe të cilët kanë zhvilluar aktivitetet gjatë vitit kalendarik në Kosovë.

2. Individët të inkuadruar në hendboll si punëtor profesional:
 - trajner
 - gjyqtar
 - punëtor sportive ...
3. Klubet
4. Shkollat e hendbollit
5. Organizatat dhe institucionet tjera të cilat në një apo tjetër mënyrë kanë ndikuar në zhvillimin e hendbollit.

Neni 19

Propozimet për pozicionet 1,2,3,4,5 duhet të bëhen ekskluzivisht përmes klubit, ndonjë asociacioni tjetër të FHK-së dhe Komisioni për shpërblime dhe dekorata në bazë të rezultateve faktike.

Kurse Komisioni për mirënjohje, shpërblime dhe dekorata për pozicionet tek neni 11 vendos për formën e përzgjedhjes më të mirëve si vijon:

- në bazë të propozimit (nominimit) të trajnerëve të skuadrave elite (Superligave në të dy konkurrencat) dhe
- rezultateve faktike sipas garave të zhvilluara gjatë vitit kalendarik të paraqitur edhe në formën tabelare tek neni 24 i kësaj Rregulloreje.

Neni 20

Kusht, për shpalljen e sportistit dhe sportistëve më të mirë të vitit paraqesin:

1. Rezultatet e arritura në gara:
 - gara ndërkombëtare
 - gara kombëtare (shtetërore)

Neni 21

Pranë kritereve standarde, për vlerësimin e cilësisë dhe përcaktimin për klubin, Shkollën e hendbollit... duhet të merren parasysh edhe këto komponentë me parametra specifike:

1. Niveli i garave
2. Sistemi i garave
3. Konkurrenca – masiviteti i garave

Neni 22

Trajner më të suksesshëm Komisioni për mirënjohje, shpërblime dhe dekorata, shpall atë trajner i cili gjatë një viti kalendarik, ka pasur më së shumti suksese në bazë të rezultateve, si dhe në atë me punën me gjeneratat e reja dhe inkuadrimit të tyre në skuadrat e para. Pastaj niveli i garave, masiviteti etj.

Trajneri duhet të jetë aktiv gjatë tërë vitit për t'u shpallur si më i suksesshmi.

Neni 23

Komisioni për mirënjohje, shpërblime dhe dekorata për shpalljen e sportistëve më të mirë të vitit, në lëmin e ndarjes së drejtësisë e shpall qiftin e gjyqtarëve më të suksesshëm të FHK-së, në bazë të propozimit të SHGJHK-së, e cila duhet të bëjë këtë në bazë të kritereve të notimit të ndeshjeve të drejtuara nga ky qift.

Si gjyqtar më të suksesshëm shpallën ekskluzivisht vetëm qifti i gjyqtarëve, e jo gjyqtarët si individ.

Neni 24

Punëtor sportiv, Komisioni për mirënjohje, shpërblime dhe dekorata shpall atë individ i cili ka dhënë kontribut të jashtëzakonshëm në ngritjen, zhvillimin dhe masivitetin e lojës së hendbollit, brenda një viti, çka është vështirë të përcaktohet Komisioni vetëm për një vit kalendarik, por Komisioni mund të merr në shqyrtim një periudhë më të gjatë kohore.

Neni 25

Shpallja e sportistëve më të mire dhe klubeve bëhet në bazë të tabelës e cila disponon me të gjitha kriteret, në formë tabelare, ku janë të përfshira të gjitha aktivitetet e mundshme të sportistëve tanë gjatë një viti si vijon:

NIVELI I GARAVE	SKUADRA				TRAJNERI				LOJTARI			
	1	2	3	Pjesëm	1	2	3	Pjesëm	1	2	3	Pjesëm
Lojërat Olimpike					100	95	90	85	100	95	90	85
Kampionatet botërore					95	90	85	80	95	90	85	80
Kampionate evropiane					90	85	80	75	90	85	80	75
Kampionate ballkanike					80	75	70	65	80	75	70	65
KUPA e EHF-it	100	90	80	70	75	70	65	60	75	70	65	60
Kampionati i Kosoves	90	80	70	60	70	65	60	55	70	65	60	55
Kupa e Kosovës	80	70	60	50	65	60	55	50	65	60	55	50
Turne te ndryshme	70	60	50	40	60	55	50	45	60	55	50	45
Liga e juniorëve	60	50	40	30	55	50	45	40	55	50	45	40
Liga e kadetëve	50	40	30	20	45	40	35	30	45	40	35	30
Liga e pionierëve	40	30	25	10	40	35	30	25	40	35	30	25

Neni 26

Këtë Rregullore e aprovon Bordi i FHK-së, kurse ndërrimet dhe plotësimet i propozon Komisioni për mirënjohje, shpërblime dhe dekorata të cilat i miraton Bordi i FHK-së.

Neni 27

Kjo Rregullore hynë në fuqi ditën e aprovimit nga Bordi i FHK-së.

Bordit I FHK-së
Mexhid Devaja d.v